



Jess Svane,
Inatsisartunut ilaasortaq, Siumut
/maani

§ 37 naapertorlugu apeqqummut akissut

Aallaqqaasiutigalugu apeqqutinut nassiussimasannut qjuvunga. Apeqqutit imarisaalu kalaallisoortani qallunaatoortaanilu assigiinnginnerat peqqutigalugu apeqqutit kalaallisoortai akissallugit aalajangersimavugut.

- 1) Danmarkimi napparsimasut katsorsartinnerminni oqaloqateqarnissamik pisariaqartitsisarnerat Naalakkersuisut paasisinnaalluarpaat. Napparsimasut angerlarsimaffiminniit inunnillu attaveqatigisaminnik ungasissumiinnerat pillugu Kalaallit Peqqissartut Illuanni (KPI) tarnikkut isumassuineq isiginiarneqarlunilu pingaartinneqartuarpoq. Taamaammat sulisut ulluklut unnukkut unnuakkullu pissarsiarineqarsinnaapput.

Tarnip pissusaanik ilisimasalimmik oqaloqateqarnissamik pisariaqartitsisoqartillugu KPI-mi inunnik isumaginninnermut siunnersorti napparsimasup kommune najugarisaani saaffiginnissinnaavoq tarnip pissusaanik oqaloqateqarnissamut aningaasaliisoqarsinnaanersoq paasiniarlugu.

Naalakkersuisut oqaloqatiginnissamut periarfissat neqeroorutillu pillugit ilisimatinneqartarput, massakkuugallartorli napparsimasut oqaloqateqarnissamut amerlanerusunik neqerooruteqarnissamut pilersaartoqanngikkallarpoq.

- 2) KPI-mi kalaaliminernik nerisassaartuarnissaa Naalakkersuisut eqqumaffigilluinnarpaat. Nerisassat pissarsiarineqarsinnaasut assut allanngorarput, kalaaliminernilli tuniniaanissamut akuerisaasumik aalajaatsumik pilersorneqarpoq.

Ilanngullugu eqqaaneqassaaq napparsimasut nerisassatigut pisariaqartitaat kissaatigisaallu assigiinngitsorujussuit tamaasa tunniunnissaat unaminartuummat. Nerusussuseq, naamasaatit susunnitsunullu malugisaatit nappaammik nakorsartinnerullu kingunerisaanik amerlanertigut sunnerneqartarput. KPI-mi igaffimmi sulisut paaqqutarinnittullu najugaqartut tamarmik naammattunik assigiinngiaartunillu nerisqaarnissaat pillugu annertuumik sullissilluartuupput.

Inussiarnersumik inuulluaqqusillunga
Med venlig hilsen


Agathe Fontain

02-11-2017
Suliap normua
All. nr. 6478113

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl